

Pasobra e 35 Florin ta apart di e prima

Gobierno no por inverti riba medida cu sector di seguro di auto a impone riba clientenan

ORANJESTAD (AAN) — Diarazon ultimo, durante e ronda di pregunta den conferencia di prensa cu Minister Nilo Swaen, titular di Economia y Finanzanan, e pregunta a bin dilanti tocante e 35 florin e sector di seguro di auto a impone riba cada un cliente, pa "Caribbean Road Services" duna nan e servicio di investiga den caso di accidente.

Manera ta conoci e asunto aki ta di dominio publico y ya caba a capta desaprobacion di sindicatonan den Union, y sigur di pueblo en general. E pregunta di prensa tabata den sentido cu si gobierno por haci algo riba asunto aki, como cu prima di seguro ta regula, mirando cu pa mayoria di ciudadano e tarifa aki ta ser mira como un gran abuso contra nos comunidad. E dignatario a bisa cu e prima di seguro di auto ta cay bao di e ley di prijs. Pues na momento cu e companianan di seguro dicidi di aumenta e prima di seguro e doño di e compania lo mester manda gobierno un argumento pa hustifica pa splica pakico e prima ta subi.

"Gobierno na e momento ey ta analiza esaki y ta aproba of no. Pero den e cuadro aki no ta prima a subi. E ta un servicio cu e aseguradornan a determina, cu tin gasto mara na dje y basa riba esaki ta cobra un 'x' cantidad di placa. Y si bo wak riba bo poliza, ora bo ta bay paga ningun di

nan por bisa bo cu ta prima a aumenta. Y na momento cu ta gastonan di administracion of otro servicionan a subi, e ta cay pafu di e autoridad cu nos tin como gobierno pa bisa si esey por si of no.

Pesey den e caso aki nos no por drenta eynan y nan no tin nodi tampoco di pidi nos autorizacion pa haci esaki. Mi no por bisa pakico e ta 'x' suma tampoco, pasobra nos no tin autoridad pa bisa si of no".

Na e pregunta si e cobra e suma aki ta husto, e mandatario a contesta cu e tin cu wak esey di mas cerca.

"Ami ta compronde cu Caribbean Road Services ta duna servicio na e companianan di seguro pa ora cu tin dañonan material den trafico y cu nan, e ora ey, ta traha e rapportnan, e companianan di seguro ta acepta nan repportnan pa regla e dañonan material entre uno y otro. Pero e ta cay pafu di e ley di prijs. Si por

ehemplo, nan ta bisa cu nan ta bay subi e prima cu 35 florin, e ora ey nan mester haya o.k di e minister di asuntonan economico pa cu esaki. Y prome cu e minister haci esaki e lo mester analiza, mescos cu pa aumento di prijs di pan, e subida di gasto di nan negoshi pa wak si e ta hustifica of no", Minister Swaen a splica.

Miembronan di prensa a haci diferente cuestionamento, entre otro, cu e compania anteriormente menciona por dicidi di cobra 200 florin of mas pa e servicio, mientras cu pueblo ta paga belasting pa e servicio aki, cual ta polis su tarea pa haci tambe, y cu awor ta e ciudadanonan tin cu paga extra pa otro compania bin haci e trabao aki.

E mandatario a reitera cu e no por haci nada pa cu e costo di servicionan cu ta cay bao di otro areglo comercial cu no ta esun di proteccion di prijs pa consumidor. E tin entendi cu

tur compania di seguro a bay di acuerdo cu e tarifa aki, y na Aruba no tin un ley cu ta bay contra tipo di actitudnan aki. E dignatario a comenta kico ta un di e problemanan cu tin na Aruba como cu e mercado ta asina chikito chikito: "Mi no ta yame cartel, pero nos tin formulacionnan di cartel informal, y bo wak' e den banconan, seguronan, y diferente otro instancianan. Eigenlijk na Aruba nos no ta papia di competencia, pero bo ta papia mas bien di palabracionnan cu tin".

Otro cuestionamento cu miembronan di prensa tin ta cu si un persona no ta paga e 35 florin e no ta haya su seguro di auto. E mandatario a indica cu e tampoco ta di acuerdo cu e aspecto aki, y cu el a discuti esey cu diferente persona, y el a agrega cu e no sa con fuerte e asunto aki ta legalmente.

Un reportero a puntra e mandatario kico anto lo

sosode si dia di mañan e panaderonan ta dicidi di subi e prijs di kipashi pasobra e saco ta bira caro. E mandatario a contesta cu pan ta cay bao di e ley di prijs pa consumidor, y na momento cu aumenta su costo mester pidi gobierno permiso pa haci esaki, y den e caso aki e saco ta forma parti caba di e prijs di kipashi. En cambio e asunto di prima di seguro cu e costo di e servicio ya menciona ta separa for di otro.

E mandatario ta haya si cu e companianan di seguro mester sali afo y duna un splicacion na nos comunidad, pasobra e tampoco ta di acuerdo cu e situacion aki.

E dignatario a reitera, tocante un otro pregunta encunto e sistema di cartel, cu na Aruba nunca tabata tin un ley pa formacion di cartel, pero esaki por worde discuti pero mirando cu e mercado ta hopi chikito e no tin idea si por yega na e obhetivonan pasobra e mercado ta keda chikito tog.

**TELEFONNAN
DI DIARIO
582-6747
FAX
582-8551**

KEN GOBIERNO TA SIRBI!!



BEST DEAL
Tel: 5827100
(Pariba di Aruba Bank, Paradera)

BEST SHOPPING DEAL
Turibana Plaza
Tel: 5865455

Hand Mixer
Afl. 29,95

Awe ta cur
princes stir
Schoop Gl
pabien di s
Eddy su ru
wela Mai
Jossy Tur s
prima y pr
Micheline,
Franco su n
Frank Tur
College s
Schoop y R
hopi aña m

Mi Sei
nos sp
por st
mand
Tira B
segun
Amen